

四庫全書

集部

欽定四庫全書

樊榭山房續集卷八

錢塘厲鶚撰

詩辛

新正三日同東壁甌亭竹田集吳山延慶道院

分韻

庚以下
庚午

始春事登臨麗矚與前別窈窕開巖楹自擅山水窟一
鏡瞰澄明千峯俯環列浮嵐氲欲動遲暉耿難滅馳心

金匱山房集卷八
為輕舟孤嶼轉沿越乃知仙家事靈境坐超忽茗餘幽
鳥嘒吟次閒梅發相要問黃寧予將鍊華髮

早春同人集讓公南屏山房分韻

空山春事早幽思集虛櫺梅萼分湖綠茶煙出竹青林
暄宜曬衲石潤罷翻經愛接支纖語真忘物外形

新晴探梅南屏山中同江聲龍泓讓公作

為問梅花信高僧領客探笛聲吹不到鳥語靜相參春
竹孤香抱晴湖一碧涵翻思前夜雪無路向山南

題華秋岳浴鵝圖

曇礪村中我舊過
嗔船無力困滄波
近來頗厭書生幻
不愛籠鵝愛浴鵝

題友人北墅耕讀圖

人生良計無如耕
子真谷口垂高名
人生至樂無如讀

莊叟曾云學為福

好學為福
出逸莊子

從來二事合并難
耕兮求

富讀求官何如九
年之耕十年讀悅
心果腹相盤桓君
家歸錦橋西住北
墅連延夾城路白
蕩波通柳外村秦

亭翠見煙中樹頗聞卜宅先誅茅買田繞屋書成巢自
資地利鄙惺惺每探古義窮媧庖文度佳兒美無匹膝
下承歡堪永日間將耕讀作貽謀輟耒荒經俱有失幾
時汎艇過幽居擬趁紅荷銷夏初瓜圩菱港經行徧蠶
書蟹畧鈔謄餘吟聲未斷農歌起恍忽置身圖畫裏比
鄰近喜有同心我詩請示茨簷子

過南華堂追悼谷林

故人不見已三年重到池亭更惘然悵望殘梅點殘雪

空餘新柳舞新煙
塵凝石畔藏書庫
雨損隄邊送酒船
何處風流未消歇
幽禽留客語清圓

金江聲吳山志成詩以落之

窮塞馳驅返故林
煙霞興在老逾深
埽除問舍求田計
校檢模山範水心
強至里中添故事

宋強至吳山里人若居同之

伍

胥廟下續新吟
春來雨阻同登約
手把青編子細尋

為堇浦悼亡姬

知君急淚制無因
客舍驚聞玉化塵
夢斷畫簾微有雨

歸來錦瑟但如人碧桃落盡空留子白髮生多最苦春
想到金臺定情夜殘燈向壁喚真真

二月十五日同人展周兄穆門墓于湖上之青
芝塢用皮襲美過張承吉處士丹陽故居韻

何方清佩逐飛霞埋玉空山重可嗟墓下驢鳴猶有客
松陰鶴返定思家百年大雅存吟草二月東風滴酒花
猛憶去春同夜汎短篷曾繫水西涯

去年此夕同汎
月三潭各有詩

泛湖歸舟遇雨用前韻

陰晴無定驗朝霞零落還因故友嗟
社燕來時初上冢
林鳩啼處各歸家
山容正媚偏逢雨
酒價初高只為花
老向太平行樂地
一枝柔櫓是生涯

寄吳鳴臯

同岑渺天末夢去春芳歇
江通瓜步雲樹隔蕪城
月之子神何清相望空復情
二十擬文賦半千期令名
姱修寧有已餐勝方今始三歎
北游詩不負琅玕紙

次韻奉酬樊榭先生

溪南

吳鳳翔

鳴臯

幽澗鳴春泉冷音殊未歇忽枉瑤華篇若對松際月
月明風復清鶴望含遙情麈尾不輟講釣竿難避名
雲山莽未已攀陟何時始吟成且寄懷自寫松花紙
同江聲東壁甌亭登吳山西爽閣

樓倚吳山好新晴一笑佳春湖留遠眺名岳貯奇懷日
隱雙峯晦風喧萬樹靈呼童掃苔石題字記曾偕

西爽閣聽施鍊師彈石上流泉

天風吹春沙眯目阻遙望道人山下返如鶴息青嶂手

拂落霞琴為我譜幽貺一彈初滴瀝再彈復跳盪淙潺
七條水直瀉磐石上中間鳴咽處微有松聲颺近疑雙
礧流遠接三峽浪滌塵耳更清破睡神覺王從今雅弄
名不數柳文暢

趙氏西池看海棠同施自勛作三絕句

花中戚里此稱奇淑態穠姿想見之莫笑杜陵窮相眼

麗人行即海棠詩

邱濬牡丹榮辱志
以海棠為花戚里

亦復奇顛擬放翁名園可惜鎖東風與君臨水偷看處

定愛深紅愛淺紅

白頭那更有風情
撚斷吟髭太瘦生
何意一枝禪榻畔
宿妝殘醉伴清明

陋巷

陋巷無來往
深棲幾歲華
犬能憎俗客
燕肯戀貧家
遣日書從借
經春藥尚賒
曉風偏解事
吹放一林花

大風

已惜花將盡
飄風似少恩
兼聞屋瓦振
直使釣船翻
病

骨應難敵春愁孰與論微明聲稍止墮雀尚餘喧

城曲

城曲村非遠春深草正薰池萍生穀雨牆竹翳桑雲鳥
散齋鐘罷風來戲鼓聞地偏神貺古童稚亦欣欣

吳長公自梁溪移家來杭用沈陶菴題石田有
竹莊韻奉簡

高人雅愛城東住與我棲遲共一川相望無多春樹外
經過只隔野橋邊栽花更闢三三徑煮茗休尋二二泉

為話越游吟興在涼秋重泛鏡湖烟

鶴林玉露周益公訪楊誠齋于南溪

詩云回環自闢三三徑尤記萬柳溪邊舊話兵侍公集于許舍山中鑿地得泉不異二泉名之曰二二泉泉蓋

在梁溪也

晚春感興

水外茅檐竹裏扉
間窗人靜試單衣
壓枝梅子多難數
帖地楊花弱更飛
白日如年娛我老
綠陰似水送春歸
如何尚著齋鹽累
又理雲帆別舊磯

題新市映碧亭

白魚買就午炊遲映碧亭前小泊時閒卻東風一溪水
惜無人解弄漣漪

連市

東去含山遠西來盡水鄉藤穿橋脚古溪繞市心長白
髮逢挑筍青裯出采桑人家濃綠裏應笑客舟忙

晚次陵口

齊梁陵墓所在

綠徧千村叫杜鵑餘寒猶未脫吳絛暮雲青草夾岡隄
春水小風陵口船舊事六朝殘夢外客程十載夜燈前

白頭不奈閒愁攪擬向空門問老禪

題文待詔石湖詩畫卷二首同嶰谷半查作

吳中佳處我曾知十里青山塔一枝潑眼湖光飛鷺外
無聲寫出范村詩

桂花香裏此夷猶細雨平橋負好秋瞥見停雲小平遠
依然還我舊扁舟

丁卯仲秋過石湖
欲作一詩未果

茅司徒廟迎送神辭

并序

廣陵蜀岡平山堂畔有茅司徒廟相傳神五人茅許蔣

祝吳其姓也茅名勝異姓約為兄弟過谿旁見一嫗共
母事之嫗為虎食五人奮力殺虎地自是絕虎患予案
南史梁王琳為陳將吳明徹所殺故吏朱瑒等請於陳
徐陵還其首葬八公山側尋有揚州茅智勝等五人密
送喪柩達于鄴通鑑揚州作壽陽是時以壽陽為揚州
也琳舉兵平侯景遭時多故間關異國欲以存梁而卒
死于戰五人非親故能送其喪柩還齊誠義士哉當時
江淮間思而祀之隋封司徒廣陵之廟最著者以宋紹

定中有陰殲李全功也母嫗事近不經驅虎之說或有
之韓江雅集同人為迎送神辭分得此題因為辨證如
左使事神者有考焉

絙弦兮鼓籠銅飛雨兮江岫東戈彗野兮旗燄空神之
從兮建寧公青林兮望篝火於菟兮弭道左八公山側
兮三臺下雲車未來兮我心苦

斗野平兮烟幕幕佇連蜷兮夜吹笛殪新塘兮銳頭兒
回風颯兮降毅姿福我氓兮大有曷報之兮昔酒神醉

止兮歸無方淮月升兮明古柳

賦得滿天梅雨是蘇州送梅泚自京師歸里

濃陰風雨濕模糊五月抽帆返舊吳驛路三千行已到
畫橋四百望如無涼生白紵虎邱寺響入綠蓑鶯脰湖
此景較量燕地少不妨賀鑄老菰蘆

哭汪祓江

自失蕪城友於君計已三

謂余葭白程松門先歿

論交存重諾經

世付空談衰白公榮酒悲黃成式函寂寥那可見揮淚

滿江潭

京口聞蟬

五月二十六日

兩月鄉心不自聊
雨絲初歇早乘潮
一聲知了來何處
正在詩人丁卯橋

六月二十二日雲亭明府招同鹿田江聲諸君
集復園分韻

鬱鬱連朝不可任
得來池館洗煩襟
隔城山雨到荷葉
度檻野蟬嘶柳陰
早瘧已隨紈扇減
晚涼應共茗杯深

清風攜自蘭亭長只有閒鷗識此心

秋暑同陸紆齋張龍威葉迎坡孫剡舉集讓公

南屏山房分韻

八月生衣未放閒城中無處散疎頑同來此地真逃暑
自笑多時不入山佛坐苔龕疑雨過僧歸竹戶倩風闌
扁舟載得涼多少更與秋荷約往還

九日望亭舟中

辛苦陰霖歇蒼茫野色秋百年渾作客九日又扁舟多

病黃花避長歌白鳥留從來望亭驛烟樹迴含愁

大風渡江望金山

風雨翦江去漁帆恐不禁濤聲俄上下山勢若浮沈金
碧疑神力虛空見佛心回頭驚定處畫裏記登臨

入瓜州城愛其多水竹之趣忻然成詠

收港蘆分界城隅進艇初平生苦行旅隨地愛幽居潮
水侵籬滿江雲入竹疎誰家開草閣借我著叢書

次韻答吳梅查見寄

水國初寒雁叶霜詩來便是接清光
五塘野色歸秋卷
千里離情寄夜航
淮海風流君未老
湖山隱興我偏長
若為更約林中侶

謂葦村兄弟

缸面同傾話草堂

奉懷樊榭先生

溪南

吳

均

梅查

山葉丹黃乍染霜
高樓遙憶對湖光
興來納翠開虛牖
病起探梅上野航
曾把新詩冰雪淨
為尋幽夢水雲長
何時得挂輕帆去
問字閒過舊草堂

臘月十一日同人集堇浦桂堂為恒公四十壽

時恒公住持上天竺寺是
日為堇浦作山水小幅

西池雪後漸春融香飯初炊祝遠公
乳竇雲堂新法席
竹針麻線舊家風畫分山色來湖上
杖帶泉聲入座中
知有大千歸掌握長年應與辨才同

庚午除夕

散材寂寞又逢春六十明朝是幸人
猶子麤完尚平願
餘年喜作老萊身薄雲淡日商量雪
翠栢黃梅點綴貧
夜半無眠聽爆竹詩情除舊要從新

元日對雪

以下
辛未

閉戶焚香宴坐中，舊寒著意戀東風。
無人可造真閒日，有雪相娛此老翁。
竹色低迷三徑白，松明張王一爐紅。
朝來凍筆呵初試，學寫宜春帖未工。

同江聲可堂龍泓游吳山分得開字

游人爭上最高臺，吟賞還輸我輩來。
白髮登山猶卻杖，青春入手莫辭杯。
夢中鼓吹元宵過，烟外江湖望眼開。
為避香塵尋曲徑，洞天寒護一林梅。

雪晴寄可堂龍泓

玄冥奪春三日雪雪晴日出寒逾嚴爐溫覆手未忍別
裘敝裹身無可添玉立數峯在北戶泉垂幾滴富南簷
西溪梅信行復動野艇料理詩瓢兼

同吳可堂河渚探梅

渚中有渚吾舊句三年重問梅花渡人不看花花看人
鄭老周郎已泉路

筠谷穆門皆昔看花侶也

同行詩客比水曹情與

梅花如朐附初過石函三兩株旋轉法華千萬樹遠族

漁汀未銷雪近遮山屋才開霧香來竹外逆風聞枝壓
橋邊捨舟步繁花亂插天作紙疎影橫眠池是譜縱饒
畫手有湯楊那比春工多活趣平生萬事苦蹉跎花趁
晴看亦遭遇微吟西日為予遲游蹤又逐寒蜂去

西溪山莊重有感

長生何藥試紅爐揀盡溪山住得無芳草不知人事改
寒梅半逐世情枯洗妝閣圯辭春燕吹笛廊空有夜烏
剩取曲池堪照影幾回閒遶更躊躇

夜宿雲溪菴

明仁和徐繼恩字世臣崇禎壬午副榜注名復社鼎革後為僧號浪

亭菴其所創也

行盡梅花曲曲溪溪深何處辨東西入門初見佛燈上
高枕不知林月低逸士染衣曾結社幽人疥壁漫留題
春來頗愛參禪味曉起呼童刷筍泥

雨中肩輿至永興寺看綠萼而返

籃輿輒輒傍溪隈野寺看梅又一來舊壁詩憎山雨敗
危樓花遣午鐘催兩朝雙幹江南少碧蘚青鬚竹外開

折取尚愁添口業誇人載得綠珠回

同紆齋龍威登寶石山麓望湖復集昭慶寺僧

房分賦

輕陰無雨亦冥濛出郭招尋一望中橋外人歸山罨畫
柳梢船度水浮空年光會計春將半笑語留連跡偶同
莫忘僧坊幽事在酌泉燒筍落梅風

聖駕駐蹕西湖恭紀一律以當衢歌

化日嬉游鬢已斑野臣何幸仰

天顏因遵

祖訓巡方舉為奉

慈闈賜粟頒羽衛參差依弱柳簫韶和協繞春山

君王要與民同樂特許三門夜不關

三門錢塘湧
金清波也

邗上逢張浦山即送其重游大梁兼寄桑弢甫

秀州城下張居士握手邗江語不休畫裏看山殊傲兀

詩中說餅亦風流

時以與弢甫說
餅長歌見示

馬卿謝病誰知己杜

老登臺豈壯游若見故人相問訊為言憶遠雪盈頭

六十生日答吳葦村見貽之作

我生少孤露力學恨不早
孱軀復多病膚理久枯槁
干進嬾無術退耕苦難飽
悵下第溫岐歸敝廬孟浩風塵

恥作吏山水事幽討結託賢友生
耽吟忘潦倒流光去

若馳年境已至老

禮六十曰耆賀瑒云至也言至老境也

贈言感君意璜

琮藉文縑生辰與我同壯盛君自好
君如初陽升積漸滿晴昊我如炳燭微
餘光近衰草榮名無足憑里曲豈堪寶
三復誦君詩慙汗滿懷抱

壽樊榭先生六十

吳鳳華

先生間史辰五月冀吐二余生較大晚亦此日墮地
聞今周甲子賀客接跡至為重富文辭胸中七經醉
品格如孤松有勁直無媚 盛世右丈儒筌典堪鼓
吹獻賦聲摩空一發偶不遂飄泊孝廉船道腴豈惟
悴靈運游山詩字字濕寒翠可以做神仙何必有名
位伊余困塵縛妄欲窺金匱懸殊實徑庭生朝枉相
下類一笑甲辰雌足以徵古事惟祝享脩齡庶得蠅附

驥

嶰谷寄鶴天寧僧舍有作同人和之

剪翎輕別閭風巔復恐翻飛計未全也識長身非近玩

且教仙質伴枯禪三花樹下容聽偈九杞山中佇買田

孫太初養鶴南屏許相卿為買田于九杞山有鶴田券此段高情消得否一聲叫

破石堂烟

爲商寶意悼亡妾環娘次韻四首

茫茫愛水正無邊曾說佳名玉字連解後那堪成夜恨

循來猶記困春眠依稀朱鳥窗中事短折霓裳曲裏年
倒瀉天河作平地人間終不罷相憐

筭年拜壻定無差誰道開花早落花今日煙波司馬淚
當年風月翰林家鬢雲翠減傷瓊樹臂玉香消失綠華
可惜寶陀勤禮處不求共命作頻伽

騎去青鸞入杳冥檀郎從此號商星草名懷夢真成幻
衣可招魂豈有靈弟子尚留吹了笛侍兒忍捧誦殘經
扁舟共汎尋常事腸斷東風檣李亭

從來薄命是佳人，
僅豔珠漚莫認真。
歸葬稽山終化土，
前生瑤島本無塵。
可能消領詩中意，
何限低回畫裏身。
官路多辛頭白早，
知君不復更尋春。

挽方環山

別時君善飯，驚見素帷陳。
水逝悲同甲，松摧失俊人。
丈章秋卷冷，粉墨夜臺新。
舊贈營邱筆，今逾什襲珍。

曾作臨平

藕花圖及做雲
林小景見貽

早秋同近人授衣于湘集天寧寺具公方丈同

用東坡病中游祖塔院韻

漠漠空林散佛香
斷雲吹雨一天涼
客臨流水心都淨
僧自鄉山話更長
解夏有期思本寺
打包笑我倦諸方
食時五觀今參得
慙媿秋蔬此飽嘗


集易松滋半丁書屋送蔣秋涇還樵李

同作蕪城客
離情忽不任
浮雲三塔遠
落日大江陰
主禮秋菰剪
賓筵夜燭侵
歸橈予亦近
相趁早潮深

汪巢林八分書歌

少陵論書得其真曾云書貴瘦硬方通神昌黎論書有
深意苦道羲之俗書趁姿媚由來八法壞六書二篆微
茫竟誰嗣八分元從二篆生強被歐陽呼隸字漢人近
古無差訛流傳後代已不多郭香察書久埋沒武梁畫
像今銷磨任城五碑蟲蝕蘚泗水九刻龍騰梭巢林居
士老好事典衣不惜窮蒐羅手摹心追筆成冢坐卧三
日難同科腕懸仍似蠶頭篆筆礫稍存隼尾波只餘瘦
硬乏姿媚每受俗眼相譏訶興來為我書數幅奴視唐

朝韓擇木豪家屏障豈相宜
挂我脩脩竹間屋



樊榭山房續集卷八

欽定四庫全書

集部

樊榭山房續集卷九

十九

詳校官侍郎

臣

謝墉

助教臣常循覆勘

總校官庶吉士

臣朱

鈐

校對官學正

臣沈

培

謄錄監生

臣孫

珩

欽定四庫全書

樊榭山房續集卷九

錢塘厲鶚撰

詞甲

一梅子黃時雨

梅雨

枯坐幽窗賺輕夢破時驚響荷扇正濃綠牆頭金丸堪
薦想到一犁江上暝愁將入吳雲遠淙潺徧吹笛夜船

燈影遙顫 深院殘寒猶戀漫妨他燕乳簾暗慵卷柰
掃壁看題蝸偷銀篆依約紅綃香潤句韞羅應竚沿階
蘚風微便樓前鏡波深淺

摸魚兒

和葑田病耳

甚年時楚江寒早病懷偏惱孤旅悠然自喚空閒字瘦
影幾番回顧難寐處也省聽敲窗暗葉穿階雨殘更漫
數總付與醒眸青燈素被渾未減愁緒 人間世幾箇

知音伴侶幽蘭淥水休譜祇應不了枯禪味聞性卷荷
猶貯凝思苦問隔屋釵聲可是忘情句因君小住向無
想山中飛塵浣斷相約枕流去

瑣窗寒

初夏同葑田松泉過深柳草堂

戶小闌雲城高絕碧嫩陰搖瓦何年種柳正憶漢南游
冶想依依香綿褪時繡鴛不到閒庭榭付餘花倦蜨橋
痕簾影伴人情話疎野連漁汊聽笛弄滄浪悄然歌

罷離蹤似寄頓冷故溪吟社笑輸他桃根渡頭載來翠
峯偏淡寫看籬根艇子縈回任取浮萍惹

天香

薛鏡

藍浪浮花青銅淬彩空明大好無翳樣巧裁菱面平揩
粉不數尚方新製吳船載取縈繡帶疑迴鷺翅低挂蘇
潭片月如描弁峯晴翠華年誤人似此杜郎看鬢絲
難避幾對淺渦犁暈笑臨秋水勛業平生付與最愛是

長宜舊銘字聽罷懷中窺餘睡起

水龍吟

漳蘭

海帆吹送瓊姿一番又拆秋前信雲衣嫋嫋冰心的
高情占盡著意扶持青瓷架小素甌茶嫩向風亭水檻
炎光不到寒香夢今纔準可惜幽芳易近有誰知楚
天閒恨逢迎只許靈均水佩湘娥烟鬢驛荔枝程遙蠻花
種香不堪重問試山空露下瑤琴獨按寫深林韻

摸魚兒

芡

趁平湖采芳艇小荷盤初沸烟雨釵莖靜照涼波影不
比脆絲纏露花點注看傾盡斜陽幽意憑誰訴西洲倩
女訝碧臆纔翻青吭漸滿脈脈水天曙明珠剖誰道
暗投無誤鮫人何事相如攜來菱市瓜塍畔猶著宮黃
深護論斗煮算風味親嘗只有涪翁語輕圓薦俎早縈
繫心期春蔥膩雪巧夕剪燈處

齊天樂

絡緯

夕陽纔作

去聲

微涼意幽窗便聞秋紡怨緒回風情絲曳

雨交戛依然搖颺離悰記往在楓葉橫塘豆花深巷翠
股斜敲蕭蕭又送去年響何人聽時較早舊啼銀燭

背寒素無恙染黛形輕翻車韻急偏隔秦樓朱幌餘約
漫想怕短髮難搔助愁千丈夜色柴門幾聲天更爽

桂枝香

銀魚

平橋永晝慣柔浪寸鱗來問春後長是船橫鴨背派流
鶯脰高人不見玄真子但烟波到今依舊葦汀花岸千
絲作網笑伊還漏更比似針鋒細瘦好分付吳娘拖
樓烹就翠釜芹芽菽乳入甌芳溜鷗鄉占取閒滋味任
年年阻風中酒幾分纖軟堪人斷腸憶鱸能否

木蘭花慢

賦木犀香數珠

訝熏爐未燼分秋宇染鉛丹正露重銅盤風搖鈿粟暗
和沈檀珊珊佩瓔零亂擣花房聲共曉鐘間一串胸垂
圓相雙心臂纏清寒窗間待洗塵煩斜挂處藕絲單
認現住冰輪前身香國不算緣慳更番秋期細數勝纖
痕畱印在雕闌宛轉仍酬密願氤氲難解連環

慶宮春

冬夜泊舟鴛湖有憶

倦柳驚鴉澄湖低月墜霜初度蓬罽搖落心情交加魂

夢水天離思難寫賦箋詞筆憶相見秋娘淡雅淒涼只在學繡村邊曉鐘敲罷可能負卻西風兩槳來時暮雲凝乍啼紅唾碧衫痕猶浣尚記那回簾下怨人輕別是纔識香囊分麝孤鴻遙去說與教知酒醒今夜

換巢鸞鳳

張東園送洋雞一隻賦此報之

一訊槎風有雙棲錦羽攜取筠籠抱時春嶼裏啼處曉波東洪桃花下幾回逢乍呼小名朱朱未通瑤窗遠想

誤卻泥人同夢 珍重誰乞種持比汝南
噤痒神偏聳 幘染蠻砂尾梢蜃雨特地移窠
分送我已無心舞秋宵 負雛看啄苔階縫
憑丹青喚梅家寫伊飛動

清平樂

元夕悼亡姬

春衫淚浣誰問春寒淺依舊去年正月半
錦瑟華年未滿 重來徑曲苔荒一屏梅影
淒涼疑在小樓前後不知何處迷藏

沁園春

聲

隔院飛來巧囀如簧初聞可憐正金經學誦生成柔輓
珠歌教唱分外清圓花下泠泠簾中啞啞小玉頻呼密
意傳吟郎句慣臨流對月韻更悠然道將雙字聯翩
比相見春風一笑媽記鯖桃幽思呪餘茸舌折楊離恨
噎在香咽細語歡濃嬌啼夢淺時送吹蘭到耳邊關情
甚聽鶯雛燕乳仍是笄年

影

賦就閒情願逐娉婷朝朝整隨恰花陰行過費他回顧
柳絲遮住暫爾相離悄照春波偷窺曉鏡只道無雙更
有伊研丹粉愛自描活脫小樣崔徽何妨坐起輕攜
怪幾度拋人欲睡時又低鬟月底問來不語凝眸燈下
抱處如癡蹴踘幽坊秋千舊徑看未分明捉搦遲重逢
後羨香肩斜倚共映屏幃

水龍吟

題吳東壁大洋汎月圖

憑誰畫就滄溟影連南極搖空碧茫茫何在雲帆吹送
高秋今夕蛇種城遙鯁人國香水天無迹正銀濤上湧
冰丸倒射應笑岸臨風幘為問乘槎此客挹長庚幾
經淪謫一官寄耳乾坤奇處肯教輕擲身到清虛胸吞
雲夢舊聞嫌窄看蠻童起舞澄輝零亂瀉蓮花白

清平樂

春游士女圖

膠鬟新拭正是停針日小扇撲餘無氣力風裏楊花吹
急銷凝石畔兒鞵不知偎暝蒼苔欲就濃香一夢翩
翩胡蝶飛來

臺城路

題周雪舫運判萬夫人八分遺墨

使君高會詞人處霜風正凋疎柳白雪徵歌青猿授簡
不惜連車沽酒高情感舊展翠閣遺函玉臺嘉偶錯落
蛟龍光和體格最清瘦人間謫來未久悵芝田路杳

鸞馭難又伏氏經傳吳家韻寫空絕才華前後紅絲小
籀合長供鈴齋異香熏透夢井淒涼一編時在手

行香子

憶焦山舊游

落托華顛棲泊頻年展心胸都付山川名區壯觀勝友
奇緣約弔坡公訪綸老謁焦仙 鼉吼更傳龍抱寒眠
記霜崖佛閣燈懸詩囊點檢莫怪蕭然但貯江風貯江
月貯江烟

沁園春

腕

十二樓高隱約輕雲全遮玉容正簾衣半卷斜支雪藕
香羅一握乍斂春蔥膚薄微揎節圓漸露獨倚霞顚想
像中涼侵處有退紅衫袖淺護西風 欠伸在畫屏東
見背後凝酥兩欲融更朱繩力怯秋千齊挽綵絲痕緊
端午深籠對脈慵擡傷心小搯笑學簪花運未工新來
瘦問那人知不跳脫旋鬆

聲聲慢

題停琴士女圖

簾垂有影院靜無聲誰家待月闌干兩點深顰分付次第眉山薄妝乍脫便低鬟更自幽妍心事遠看轉將瑤軫尚怯春寒只有梅花知得愛香生絃外韻在絲前小立徘徊肯教流響空烟人間尚留粉本不愁他輕誤華年凝望處想參橫依約未眠

臺城路

當湖喜晤張今涪別去以詞見寄依韻奉酬
柘西尚有詞人在梅邊愛聽吳語明鏡慵窺青山欠買
贏得吟情如縷高陽伴侶約小醉圍爐孟婆能阻斜日
歸鴉一羣寒影向村塢殘年猶是逆旅津亭仍解纜
離恨難譜橫泖蓴鱸東湖烟水輸與漁兒漁女心期暗
許在第六橋頭酒旗茶鼓一片春光快教胸臆吐

留宿張龍威藝舫同話丁卯舊游有感用前
韻

重來君有攬先卜燈脣昨宵如語問訊東湖年時柳色
猶賸烟中殘縷英游俊侶歎范蠡船遙黃公壚阻一曲
南莊更無人過白雲塢乾坤總成逆旅化兒多戲劇
顛倒誰譜風掩閒門冰澌老硯絕代空吟貧女淹留未
許早歲晚天寒又催津鼓別夢依依小樓窓日吐

沁園春

己巳除夕偶讀楊南峯循吉詩云買錫迎竈
帝酌水祀牀公吳蓋同杭俗也予老嬾無事

所須者飽食安眠而已因賦沁園春二闕以
當樂神之詞

天上歸來司命醉餘家人合迎訝蒙莊書幻神原號髻
諾臯志怪童亦名鉤難覓黃羊祇斟綠螳小市簫聲喚
買錫寒宵盡早踞觚語好黔突春生辦香脈脈通靈
訴口腹尋常累不輕歎火需朋舉常如僧飯釜非婁轉
那羨侯鯖避場何人先炊有典一飽無求掩竹扃吾儕
事向山空歲晚稍理遺經

又

安穩閒房仗爾平生寢興載司記窗橫窺月情柔似水
屏遮聽雨鬢改成絲金盡低顏玉存暖老漸近橫陳嚼
蠟時吾衰矣但摸稜不管趺坐偏宜一杯酌爾休辭
想此夕殷勤也合知笑放懷物外年年夢蜨求官何處
日日猪龜早起雖慵春來更健睡法希夷好護持寧湏
羨設沈香八尺花下頻移

疎影

小玲瓏山館賦絮影

飛絲近遠又綠陰弄日吹過隋苑比雪還輕度水無痕
東風下上低捲成團作隊冥濛甚真共幻總迷心眼倚
繡簾誤却吹時明滅箇人庭院尚憶張郎好句正朦
朧淡月墜處初暝漫綴征衣點鬢休驚欲捉兒童仍嬾
悠颺夢入離亭路寫不盡楚江春晚笑雨餘一種霑泥
付與老禪為伴

一剪梅

立夏後一日同人集晚清軒補作送春之會
吟鬢蕭疎客夢輕春盡忘情春去闌情問春去了幾何
程鳩作雙聲燕作雙聲 櫻筍盤筵理舊盟芳夜心爭
涼夜心爭綠陰便是短長亭歌趙春行酒駐春行

摸魚兒

透風透月兩明軒賦新荷

掃千紅已隨流去綠雲南浦偷換錢錢點點田田樣浮
動鏡心纔滿青蓋輒想早畏朱曦為覆雙鴛伴全舒尚

卷似龍女牋，絨鮫人帕束含憶又含怨。西湖好，何處
羅裙玉腕采香休。道來晚粉紅未逐薰風嫁，扇底且藏
嬌面珠倒濺。聽驟雨聲聲譜入歌喉，嚀吟騷意嬾任細
裊。冰絲低搖翠柄衣小，那堪剪。

柳梢青

效許圭塘體

鬢點吳鹽十年來去，芡剪征衫千里鶯花。幾重烟水一
片雲帆。鄉園試話情懷，有黛染明湖鏡，匳佛土茶香。

漁村蓴滑好箇江南

又

佳處曾探量泉惠麓踏蘚靈巖多少吳娃明妝倚舫玉
面乘籃 秧田竹屋蘆簾指歸路垂虹舊諳瑟瑟波搖
彎彎月唱好箇江南

又

臘尾春絨楓霞徧綴梅雪相兼新綠初成輦紅不到水
國無炎 女湖兒店程添記茗雲秋風挂帆洲渚神仙

樓臺烟雨好箇江南

又

湖傲山酣綠蓑白雨紫筍黃柑蠶戶新封鷗鄉近署當
了頭銜興來浪跡猶堪訪酒社詩朋快談焦洞潮聲
攝山月色好箇江南

齊天樂

庚午夏五將歸湖上留別韓江吟社諸公

平生慣向蕪城客吳絲暗斑雙鬢雪嶺才高青樓句好

那比前人疎俊吟朋勝引愛款竹尋題占花分韻忽覺
歸心一燈搖夢野鷗近湖山此時舊隱玉壺涼萬斛
紅膩蓮暈江雨鳴篷林風解纜離緒滿於潮信流連未
盡謝送我多情熟梅芳醞彈指秋清重逢期定準

送樊榭歸西湖

馬曰琯

廉纖細雨侵衣袂梅天最難調攝苦筍過牆青苔上
砌客裏光陰飄忽懷歸念切擬暫淪茶鐺少留吟篋
只恐紅衣待君香散半湖月吹簫何處濯髮浸空

明一片消盡炎熱喚艇邀涼凭闌覓句沙際白鷗凝
雪那堪間閣定驀憶山齋幾般縈結莫負秋窓滿林
蟬亂咽

又

馬曰璐

片帆約共雲陰遠相看已縈愁緒淡景邀詩遙情入
畫綠暗前時來路汀荷苑樹有花底魚經柳邊簫譜
水夢山魂朗吟飛向鏡匳去湖頭應憶舊侶正疎
簞露滴如對幽語病渴文園耽佳飯顆算是襟分幾

度離杯漫舉待潮落江天片時延佇只到涼秋剪燈
同聽雨

樊榭山房續集卷九

欽定四庫全書

樊榭山房續集卷十

錢塘厲鶚撰

詞乙

北樂府
小令附

人月圓 黃鐘宮

甘露寺懷古

夕陽江上吳朝寺曾記昔留題火焚松徑塵埋蓮蘂雨
洗苔碑樓空多景鐘聲今古帆影東西花開花謝潮

生潮落物是人非

長安某氏廢園

行人指點城南路往事半模糊
烏衣門巷平泉樹石金谷笙竽
當時深貯娘名御史妾號尚書
而今但有空池飛燕破瓦奔狐

叨叨令

正宮

碧浪湖感舊

月圓波靜蘇灣暮一船兩槳橫塘渡
秋燈紅袖曾偷護

曉妝青鏡初回顧憶殺人也麼哥憶殺人也麼哥重來
都是傷心處

醉太平

正宮

看梅宿西溪山莊

掩簾芭野橋護莎砌田塍梅花雪擁閣如巢供吾儕睡
飽溪深溪淺隨春笑窗明窗暗疑人到鐘初鐘絕帶詩
敲剩香吟半瓢

東郊小隱

小人哉學圃諸生耳傭書門前綠柳蔭清渠東風菜吐
游仙枕外分朝暮牽絲棚外看來去選官圖外論贏輸
閑中樂乎

題村學堂圖

村夫子面孔渴睡漢形容周遭三五劣兒童正拋書與
濃探雛趁蜨受朋儕哄參軍蒼鶻把先生弄甘羅項橐
笑古人聰不樂如菜傭

春雨

濕東風燕剪灑芳樹秋千掃晴娘拜惜花天對珠簾暮
捲濛濛遮住宜春院絲絲吹上傷春面瀟瀟唱出送春
筵好春光去遠

初夏園居

野荼蘼葢瓦水楊柳穿笆翠畦深護小人家看童兒戲
耍種瓜不長東陵價賜櫻不羨長安話澆蔬不減漢陰
佳任東風過馬

後庭花

仙呂宮

冬日同江聲登吳山

仙山迴磴重酒樓空翠中霜落千門樹風清十廟鐘夕陽東越王何在鴉翻江上峯

次韻

金志章

林疎翠靄重山園閭井中輦道穿危磴叢祠響午鐘酒樓東天開圖畫烟江千萬峯

醉中天

仙呂宮

張龍威送醉蟹

無復爬沙樣風味付廚娘纖手紅椒擘繡匡只合糟邱

葬春雨瀟瀟夜窗背燈情況畫眉人肯分將

事見張敬集

一半兒仙呂宮

金華寶婺觀

雲衣月面佩珊珊夜駕天風下古壇響入赤松山外山
篆烟殘一半兒浮空一半兒散

吳甌亭瓶花齋剪橙小集

移從夜雨記親栽剪向西風入手纔剖霧萼辭傾翠醅

軟金杯一半兒詩成一半兒改

上虞百官江口舜廟

重瞳此地有遺苗野廟空江玉座銷無復百官趨早朝
話漁樵一半兒龍工一半兒鳥

浮山禹廟和嶰谷

雲根不出廟庭隅神怪當年豈盡誣塑壁尚存山海圖
看模糊一半兒蝸涎一半兒雨

吳山伍公廟

青山遙對海門斜時見靈旗濕浪花
夜夜潮驚萬家
閃棲鴉一半兒聲回一半兒打

鶴林寺米襄陽祠

仙花僧竹認松龕遺像依稀海岳菴
野鼠有時鬚被銜
護伽藍一半兒塵添一半兒減

淮陰漂母祠

淮流日夜走青蘆老屋煙煤一飯餘
亭長有妻曾媿無
漢規模一半兒韓侯一半兒母

松江超果寺一覽樓寫望

潮迴黃歇浦邊春
天界秦皇道上曛
山冷陸機茸內雲
畫難分一半兒丹青一半兒粉

題吳抱村閒居消夏圖

綠楊風裏掩茅茨
紅藕香中收釣絲
翠竹影邊吟小詩
日長時一半兒橫經一半兒史

青歌 仙呂宮

悼吳中歌者

花前偷回嬌盼賞知音舞袖弓彎何處秋墳唱夜闌拋

卻青團扇兒閒風流旦

元夏雪叢青樓集李嬌元人目為風流旦

四塊玉

南呂宮

題大滌貝鍊師房

種藥鉏分茶筌蒼檜空堂隱臞仙碧桃幽徑閒尋徧一
柱煙五洞天九鎖泉

沈歸愚侍郎天台歸過訪

霜滿鞞塵侵馬白首諸公戀東華相逢愛說天台話躡

嶠霞飯澗麻吟瀑花

閱金經

南呂宮

同吳可堂游潮鳴寺

竹外青蓮座水邊黃面僧
掃葉烹茶折脚鎰迎罷翻金
字經蒼苔徑看碑廊下行

澆藥井

抱甕忘機事栽花消俗緣
中有桐君上品傳泉飛流當
暑天雲漿嚙主人平地仙

朝天子

中呂宮

送樓于湘歸吳門

稻齊鱸肥久憶吳中味
乘秋帆影去如飛
嫋嫋菱歌起
鶴市誰依
鴻廡單棲
算歸時
仍客裏
得歸且歸
吟不了
烟波意

同作

馬曰璐

擬行未行猛賦得歸期
定木犀香裏晚雲晴
盼殺臯
橋影秋五湖清
月二分
明寫相思
兩地情
酒城鴨城

莫忘了盟鷗等

紅橋納涼

藕湖柳渠亭館風多處十年隋苑舊詩逋團扇招涼句
茉莉鬟酥薔薇衣露隔船窗聞笑語不須醉扶月上紅
橋去

春煙

遠林翠侵煥處迷離甚夜來輕抹畫廊深和月梨花浸
裊上羅襟飛上瑤簪似幽期一縷心再尋至今春有禁

情難禁

滿庭芳

中呂宮

殘秋湖上有懷月田筠谷穆門三君之歿

湖山宴娛景留年去社散人徂畫橋煙艇風蒲路極目
愁予夢已隔黃公酒壚寫難窮白傅詩圖秋光暮碧雲
紅樹泉下得知無

題王茨簷北郭移居圖二曲

生涯自遣嫌居市井喜近田園酸寒東野唯詩卷家具

蕭然鈿榜上高題狀元醉鄉中舊署神仙尋君便林鶯
乍轉即此賀新遷

鄰家大有東屯雞柵北郭漁舟鐺中煮字今能句飽矣
何求羊角埂看花慢走兔兒泉裏茗閒游歸來候遙山
滿眸紫翠一筇收

辛未重午嶰谷半查招集行菴分韻

籬閒六枳階苔更掃徑竹新孳觴蒲有客過三四荆楚
佳時王播去功名似此孟嘗生富貴何之開胸次須行

樂耳不用讀騷辭

紅繡鞵 中呂宮

正月十六日同江聲可堂龍泓游吳山分得
開字

三五夜將錢更買第一樓有酒初開士女燒香墜金釵
春潮和月上暮靄送詩來燈街人似海

春晚

情黯黯花前側帽路茫茫月底吹簫花月江南憶新妖

詩匳吟芍藥夢枕墜櫻桃人隨春共老

普天樂

中呂宮

題行菴為馬嶮谷半槎兩君觴詠地在揚州

北郭天寧寺西

碧蘿垣蒼筤徑簷花月明庭樹秋聲
霱分謝墅幽榻下
蕭齋靜大小山名堪移贈卜行窩
招友經行行廚醉醒
行衣露冷行篋詩清

春水

雪初消波微溜鵝肥蕩口鶯脰湖頭藍拖打槳人綠染
湔裙候何事干卿吹頻皺笑東風直恁風流情如此柔
殘紅漾久還繞妝樓

喜春來

中呂宮

春柳

初過元夜新黃蘸剛近清明嫩綠攬小紅樓外拂毵毵
黏畫衫飛絮滿江南

山坡羊

中呂宮

秋雨初霽嶨谷半槎招同人集看山樓填此
曲予以病不起

瓷青天逗綃紅霞漏井梧缺處山新瘦雨初收酒新筍
鯉風試弄凭闌袖自笑文園多病後秋嬾上樓愁還獨
謳

春日郊行

春山如笑春流堪照桃花紅出疎籬靠醉村醪聽神簫
社公雨灑潮王廟雲影弄晴歸尚早橋魚散苗郊燕定

巢

梧葉兒

商調

春山

窗中岫天外峯雪淨遠連空淡冶河陽重浮嵐北苑工
暖翠井西同遙念著眉梢更濃

小桃紅

越調

橫波夫人畫蘭扇敬身索賦

秦淮不見翠雙顰摺扇香痕潤往事眉樓有誰問墨花

春靈均舊怨都銷盡南朝豔粉才人風韻題詠到湘帘

龔宗伯有題畫蘭帘子
如夢令為橫波作也

吳江道中

一篷風色一橈雲詩有江湖分第四泉邊綠陰襯夏寒
新憑誰寄箇松陵信楊花浥褪棟花飛近金鴨煖梅魂

柳營曲 越調

尋秦淮舊院遺址

支瘦筇訪城東板橋夕陽依舊紅名士詞工狎客歌終

醉卧錦牕叢閒愁埋向其中溫柔老卻吳儂香銷南國
盡花落後庭空風吹夢去無蹤

春夜汎湖

停漏籤展冰匳春湖可人花月兼蜨夢厭厭柳影纖纖
山隔夜明簾呼燈重問青帘叩舷同唱烏鹽汴流光三
塔動衝香霧六橋黏尖風起索衣添

漁家

漁事多奈漁何漁心太平誰似我春雨漁蓑落日漁舫

漁舍水雲窩約漁兄漁弟經過聚漁兒漁女婆娑漁竿
連月浸漁網帶煙拖歌漁笛定風波

漫作效康汧東體

回敝車守空廬貧中自憐貧有餘烏識親疎花驗榮枯
笑讀古人書扁舟不逐陶朱布衣空羨丹徒英雄重俯
仰事業一欵欵初只合老樵漁

春思效張小山體

紅漸稀綠初肥暖風一團香絮飛春入長眉春著單衣

無處問相宜乍開簾芳草東西倦凭闌粉蝶高低鳥聽
秦吉了花發蜀當歸伊誤了牡丹期

沈醉東風

雙調

春日西湖

謁東閣平生未肯典西湖此事休云約酒朋探芳信賣

錫天柳嬌花嫩老作承平快活人看鏡裏春山似晒

劉元

致中醉中天自注云宋諺有典賣西湖之語臺諫謂之
賣了西湖既賣則不可復省院謂之典了西湖猶可贖
也無官守無言責此古
人所以輕視軒冕歟

紅橋水亭看荷

移舫子雲陰半掩倒闌干魚影深潛池分九曲涼花比重湖豔看娉婷不隔湘簾疎雨催詩意未收但葉上聲來數點

折桂令

雙調

金陵朝天宮秋寓

笑平生詩卷生涯偶寄雲房似到仙家鏡照山精鐘敲夜斗鼎鍊秋霞申地園不留破瓦下公墳誰種殘花莫

羨豪華六代興亡衰柳啼鴉

賦得客帳夢封侯

傍幽窗斗帳淒涼何許儒冠忽擁油幢虎士趨風蛾眉
環坐珠履成行班祭酒須輕故鄉李將軍得遇高皇萬
里名揚萬戶勲償一枕邯鄲總是荒唐

題殿畫乞巧圖

剩前朝一檯丹青長信昭陽無限秋情金合藏蛛絲橋
度鵲紉扇飛螢聽玉漏遲遲五更拜銀灣脈脈雙星梧

影閒庭不卜他生但祝今生

低髻

理香絲樣減菱銅緊綰螺尖不放鴉鬆翠葉斜安金釵
短插羅帕輕籠行雲穩微微楚峯墮花慳小小吳宮傳
徧城中壓倒韋娘見慣司空

述懷

問先生底事窮愁放浪形骸笑傲王侯不隱終南不官
彭澤不訪丹邱搔白髮三千丈在手算明年六十歲平

頭天許奇游弄月蛟門看雨龍湫

西湖次趙文寶韻

比西湖西子爭誇西子看來尚遜穠華不盡雲山無窮
煙柳可惜風花斜陽在黃妃舊塔醉鄉眠蘇小誰家流
水殘霞新月如牙油壁香車歸去吳娃

浩然巾

展鮫綃一幅裁雲素頸遮寒翠鬢藏春踏雪風流尋梅
窈窕照鏡溫存分明是江妃後塵又猜疑孟浩前身詩

客知恩剛近香肩凍粟無痕

題徐安生桂花湖石小幅為丁龍泓作

是何人染出秋光石擬聞蜚樹訝懸香纖手皴苔柔毫
暈碧嬌額分黃權當作如來供養也應教才子收藏腸
斷吳閭漂泊多情老去徐娘

懷嶰谷游金陵效疊韻體

溯空行小艇風輕萬頃潮平清興堪乘山迴雲生林青
雨映一燈金陵景陽井苔崩舊京石頭城煙冷新亭茶

鼎禪燈竹徑江聲酒聖詩盟少
摒塵纓緩定歸程

楊妃病齒延清齋分賦

宴華清何限歡娛底事朝來粉悴香癯
柳葉微顰瓠犀小冷棠萼愁吁沒亂煞
開天帝主敕離支休進中厨塞上思酥
突騎長驅活玉巢中且忍須臾

清江引

雙調

蘇堤春曉

誰家總宜船玩景落月長隄映柳煙舒翠
屏花露揩明

鏡西施帳中春夢醒

花港觀魚

東風倚闌花似雲
小汊分鱗鬣魚將花吐吞
花逐魚明滅
人生不如魚樂也

柳浪聞鶯

小鶯擲梭風柳靡
翠線波痕細
雙柑酒便攜
兩豆塵休閉
百單八聲春去矣

翹院風荷

風漪四圍深院宇荷氣銷炎處斜明柳外虹亂颭萍間
鷺來看翠盤高下舞

兩峯插雲

南北兩高青對聳氣溼雲飛動牛頭縹緲齊馬耳冥濛
共僧歸雨來龍湧湧

平湖秋月

月明滿湖剛著我不攪魚龍卧碧瀾寸寸秋桂子紛紛
墮星河醉驚都繞舸

三潭印月

魚王國中看月上三塔遙相望浮珠白一丸沈壁寒千丈夜深老禪心一樣

雷峯夕照

黃妃塔顏如醉叟大好殘陽逗渾疑劫燒餘忽訝飛光候漁村網收人喚酒

南屏晚鐘

鯨鏗一聲山鳥駭響徹青松外雲遮五百間月上三千

界歸舟幾聽頭漸白

斷橋殘雪

水南數峯皴粉少玉竦澄餘照鷗邊草欲蘇驢背梅初笑
林逋宅荒猶未掃

菜貴戲作

晚菰一筐堪適口莫笑貧家陋求添轉不能問價高於舊
宜州老人空肚久

落梅風

雙調

華秋岳為予寫西溪卜居圖因題其上

橫斜影清淺溪翠濛濛嫩寒山氣梅花見招深處棲草
堂資故人誰寄

孤山訪梅

蜂鬚朶鶴膝枝背湖陰杳無人至逋仙墓前春若此瘦
吟肩聳成山字

歲除得沈椒園山東書

琴工欠藥券遲逼殘年有臺難避門前雁行誰解圍沈

三兄俸錢遙寄

張說謂沈佺期曰沈三兄詩須還他第一椒園行三故云

鄰牆杏花

高樓雨深巷風惜花人作詩無用紅香笑窺牆角東笑先生白頭非宋

嶰谷送漳蘭

心占易佩擬騷兩三莖送秋先到吐幽香暗將炎晝消雪窗僧寫來難肖

原作

馬曰琯

清風灑涼露滋瘦亭亭自憐幽致伴同心玉琴調七
絲小窗中畧添秋思

水仙子

雙調

虎邱書所見

玉珣宅畔曉鐘催朱勔花邊午店開仇英畫裏春妝賽
趁清明冷食來施山僧那惜金釵低潤臉男兒拜整新
帚侍婢擡恨無端落日船回

竹下水仙

翠雲影掠玉鈿柔蒼雪聲搖金璫流天寒正倚佳人袖
是何年雅蒜收傍琅玕鵝管花抽墨胎子生來瘦楚湘
娥分外愁合就清幽

齊瓊臺侍郎雪中過訪

十年握手意偏深千里言懷喜不禁三公折臂君尤甚
卧天台琪樹陰惹蒼生望到而今剡雪淒清興江雲縹
緲心有約聯吟

謝馬嶰谷半槎惠人侵

靈苗合在阮生家香藥應須溫尉誇連根便是邊鸞畫
價兼金難賽他起沈疴何必丹砂秋寄逢江雨晨煎汲
井花此意無涯

殿前歡

雙調

秋思用張小山春思韻

寫秋思芭蕉葉葉竹枝枝南湖風雨涼何自潘鬢成絲
蟲聲唱鬼詩雁影排人字鳳紙書仙事餘香滅後幽夢
回時

春草

燒痕春無端喚起踏青人
青青有盡愁無盡不入侯門
濃將落日薰媚借飛花襯色
作羅裙認小卿墓上西子
湖濱

撥不斷

雙調

晚秋田家

倚霜根望前村西風漸掠
歸鴉陣稻熟租分斛面勻菊
香醉枕鉏頭穩是非休問

枳郎兒

雙調

月夜過吳梅查青棠館

趁微涼訪書堂淡月正昏黃
卅字闌干亞字牆新詞同
唱合歡花影轉東廊



丁樊榭山房續集卷十